

秘傳花鏡

秘傳花鏡卷之六

西泠花隱以漢子輯

養禽鳥法

集羣芳而載及鳥獸昆蟲何也。校頭好鳥。林下文禽。皆足以鼓吹名園。針砭俗耳。故所錄之禽。非取其羽毛豐美。卽取其音聲嬌好。非取其鷺鷥善聞。卽取其遊泳緣波。所以祥如彩鳳。惡似鴟鳥。皆所不載。

鶴

鶴一名仙禽。羽族之長也。有白有黃有玄。亦有灰蒼色者。但世

所尚皆白鶴。其形似鵝而大。足高三尺。軒於前。故後趾短。緣長四寸。尖如鉗。故能水食。丹鼎赤目。赤頰青爪。修頸凋尾。粗膝纖指。白羽黑翎。行必依洲渚。止必集林木。雌雄相隨。如道士步斗。展其翼則今又雄鳴上風。雌鳴下風。以聲交而孕。嘗以夜半鳴。聲唳九霄。音聞數里。有時雌雄對舞。翱翔上下。宛轉跳躍可觀。若欲使其飛舞。因俟其餓。實食於窩。遠處拊掌誘之。則奮翼而舞。調練久之。則一聞拊掌。必然起舞。性喜啖魚蝦蛇虺。養者雖日飼以稻穀。亦須間取魚蝦鮮物喂之。方能使毛羽潤而頂紅。其養龍化石生卵多在四月。雌者伏。卵雄則往來爲衛。見雌起。

必啄之見人數窺其卵即啄破而棄之或云鶴生三子必有一
鶴所畜之地須近竹木池沼間方能存久相鶴經云鶴之尙相
但取標格奇古隆鼻短口則少眠高脚踈節則多力露眼赤睛
則視遠回翎亞膺則體輕鳳翼雀尾則善飛龜背鼈腹則善產
輕前重後則善舞洪髀纖指則善步一云鶴生三年則頂赤七
年羽翻具十年二時鳴三十年鳴中律舞應節又七年大毛落
毳毛生或白如雪黑如漆一百六十年則變止千六百年則形
定飲而不食乃胎化也仙家召鶴每焚降真香即至又鶴鳴
爲笛聲甚清越音律更準昔賢林和靖養鶴於西湖孤山名曰

鳴皋每呼之。即至。有時和靖出遊。有客來訪。則家童放鶴凌空。和靖見鶴盤旋天表。知有客至。即歸。以此爲常。遂以千古韻事。其詩云。皋禽名祇有。前聞孤影圓。吭夜正分一。唳便驚寥泬。破亦無閒意。到青雲。

鸞

鸞乃神鳥也。形似鶴而瘦小。首有長纓。其羽毛純青者。則人家常有之。惟五彩者不易得。鳴中五音。即鳳之屬。其畜養之法。亦與鶴同。但恐其飛去。必剪去幾翎。方可久畜。又雄鳴於前。雌鳴於後。故有虞氏之車曰鸞車。亦曰鸞輅。取其和而有序也。

孔雀

孔雀一名越鳥。文禽也。出交廣雷羅諸山。形亦似鶴。但尾大。白
美之不同。丹口玄目。細頸隆背。頭戴三毛。長有寸許。較之雉
遊棲於岡陵之上。晨則鳴聲相和。其音曰都護。雌者尾短。雄者
翠雄者五年尾便可長三尺。自背至尾末有圓紋五色。金翠
繞如錢。每自愛其尾。山棲必先擇置尾之地。夏則脫毛。至春復
生。雨久則尾重不能飛。高南人因而往捕之。或暗伺其過。於叢
篁間急斷其尾。以爲方物。若使回顧則金翠頓減。土人養其雛
爲媒。或探得其卵。令雞伏出之。飼以猪腸生菜。即大富貴家多

畜之聞人拍手歌聲及絲竹管絃聲是鳥亦鳴舞畜之者每俟其屏開取樂其性最妒見人着彩服必啄之其孕亦不匹以音影相接或雌鳴下風雄鳴上風或與蛇交亦孕但其血最毒見血封喉立能殺人慎之可也如病飼以鐵水

鷺鷥

鷺鷥一名春鏹一名鴈王又名昆明乃水鳥也林棲而水食以魚爲糧羣飛成序故有鷺序之說其形亦似鶴而小羽白如雪又有雪客之稱頸細而長脚青善翹高可尺餘解指短尾喙長類鶴頂有長毛十數莖絳色然如絲欲取魚食則彈之好立水

中飛亦能戾天生而喜露視而有胎人多養於池沼間若家禽之馴擾不去每至白露日如鶴之騫騰而起其性使然也昔齊威王時有朱鷺合沓而舞於庭下人皆稱異焉

鸚鵡

鸚鵡慧鳥也一名鸚鵡雛名鸚哥出自隴西而滇南交廣近海處尤多羽有數種綠乃常色紅白爲貴五色者出海外蓋不易得狀如鳥鵲數百羣飛俱丹味鈎吻長尾紺足金睛深目上下目驗皆能眨動舌似嬰兒其趾前後各二異於衆鳥其性畏寒冷即發鸛如瘴而殂飼以餘甘蔗可解凡屬雄雛黑喙經年即

變紅雌者喙黑不變故人皆畜其雄者。用二尺高尺五濶銅架。將細銅索鎖其一足於架上。左右置一銅罐以貯水穀任其飲食。若欲教以人言。須雛時。每於天微明時。將雛挂於水盆之上。使其照見己影。不道人言。惟知鵬教其語。人立其旁。隨意教之。不久自肖。但是手摩。若手摩其背則瘡。昔宋徽宗隴州貢紅白二鸚鵡。先置之安如閣中。後放還本土。郭浩按隴。聞樹間有二鳥。問上皇安否。亦知感恩不忘。近年關西曾獻黃鸚鵡於清朝。亦難得之物也。

秦吉了

秦吉了。一名了哥。唐書作結遠鳥者。番音也。出嶺南容管兼管諸州峒中。大於鸚鵡。身紺黑色。夾腦有黃肉冠。如人耳。片味黃。距入舌。人目目下連頸有深黃紋。頂尾有分縫。能效人言笑音。頗雄重。亦有白色者。人多誤稱爲白鸚鵡。哥。每日須用熟雞子黃。和飲飼之。其性最怕烟。切勿置之薰烟處。則耐久。亦可與鸚鵡竝畜以供閒玩。

烏鳳

烏鳳。非鳳。鳳以其形畧似。獸土人美其名而稱之也。產於桂海左右。兩江峒中。大約喜鵲其羽紺碧。色項毛似雄雞。頭上有冠。

尾並二弱骨長一尺四五寸至秒始有毛其音聲之妙清越如笙簫能度小曲合宮商又能爲百鳥之音凡鳥飛鳴即隨其音鳴之人取以爲玩好誠是快心但彼處亦自難得耳

鳴鵲

鳴鵲一名嘲嘲鳥俗名八哥身首俱黑兩翼下各有白點飛則是其眼與舌亦如人但舌微尖若欲教以人語必須五月五日或白露日取雛剛之雛中竟夕居天中用小剪修去舌尖使圓如是者三次每日天將曉時如教鸚鵡法教之良久自能作人語矣此鳥不善營巢多處於鵲巢或樹穴及人家屋脊中初生

口黃老則口白頭上有幘者易養無幘者多不能久活取雞愛
養切勿養猶無猶雖無籠罩任其飛走亦不遠去又可使取火
北方無此鳥江浙人喜畜之每日飼以生葷腐及半熟飯惟忌
八月十三大煞日須密藏不露方免其死昔有禪僧堂下畜一
八哥每夜隨僧念阿彌陀佛七死後僧憐而埋之蓮花出自鳥
口因作贊曰有一飛禽喙上哥夜隨僧口念彌陀死埋平地蓮
花發我輩爲人不及他

鷹

鷹一名隼一名題肩一名角鷹因其頂有毛角微起又有虎鷹

雉鷹兔鷹之稱。比齊人呼爲凌青。高麗人呼爲決雲兒。大概出遼東者爲上。內地者次之。其性剛厲。不與衆鳥同羣。北人多取雛養之。每日調練有法。先將雛餓一二日。使之饑腸欲絕。然後兩人離丈許對立。一以鞦臂擎鷹。一持肉引之。口作聲呼之。引其飛來食肉。久則馴熟。聞呼即至。使攫鳥獸甚捷。日以牛豕肉少許飼之。如欲出獵。則不與之食。南人八九月以媒取之。其鳥以季夏月習擊。孟秋月祭鳥。雄者身小。雌者體大。二年曰鵠。鷹三年曰蒼鷹。相鷹之法。在乎頂平頭圓。頸長臆潤。羽勁翅厚。肉緩。髀寬。身重。若金指重。十字尾。貴合虛。嘴利似鈎。爪剛如鐵。

鵬等枯荆石視如傾左視如側生於窟者好眠巢於木者常立
雙鵞長者起遲六翮短者飛急至若虎鷹翼廣丈許能搏猛虎
然其鷺悍若此而反畏燕子又有所不解也

鵬

鵬一名鷺似鷹而大亦能食草尾長翅短背山目深羽毛土黃
色可作箭翎出北地者色皂故名皂鵬鷺悍多力六翮乘風輕
掠眼最明亮盤旋空中無微不覩又有青鵬產於遼東最俊者
謂之海東青產於西南夷者謂之羌鷺黃頭赤目其羽五色俱
備凡鵬若鷺遇禽能搏鵞鵠鷺鷥遇獸能擊獐鹿犬豕遇水

能扇魚令出沸波攫而食之。又名沸河。田獵者每多畜之。又云鷹產三卵。一鷹一鵠一狗。遼有鷹背狗。短毛灰色。與犬無異。但尾脊有羽毛數莖耳。隨母影而走。所逐無不獲者。以禽乳獸亦異聞也。

鵠

鵠一名鳬。一名集。狀似鷹而差小。羽青黑色。其尾如舵。飛則轉折最捷。人之造船用舵。實訪鵠尾而爲之也。性極喜高翔。專捉雞雀而食。義不擊脆。莊子云。鵠爲鵠。鵠爲布穀。布穀復爲鵠。皆指此屬之變也。是鳥時令以冷。每取一鵠。或盈握。小鳥等煖其

足至曉即縱之而去。唐太宗得佳鷄，自臂之，望見魏徵來，匿於懷，徵奏事故，乃鷄竟死於懷中，誠賢君也。

雉雞

雉一名錦雞。一名離雉，介鳥也。產於南越諸山中。湖南湖北亦有之，狀似山雞而差小。色備五彩，可觀。皆有黃赤交綠頂紅腹紅嘴，利距，首上有兩毛特起成角，先鳴而後鼓翼，性最勇健。善鬪，人以家雞引其鬪，即從而獲之，畜於樊中，其尾花長一二尺，不入叢林，恐傷其羽也。每自愛其羽毛，照水即舞，良久目眩，竟有死於水者。雌者文間而尾長，雪深絕食，亦常餓死，或被人獲。

漢武帝大初二年。月氏國貢雙頭雞。四足二翼。鳴則俱鳴。誠異物也。山海經云。小華山多赤鷩。養之可禦火災。又一種遠飛雞。父則還。修人曉則拔飛。四海嘗嘯桂實歸於南土。亦仙禽也。每畜飼以米麥。如或被鷹打傷。以地黃葉點之。即愈。若將卵時。雌必避其雄。潛伏地所。否則雄啄其卵也。

雞

雞一名德禽。一名燭夜。五方皆產。種類甚多。蜀名鷄雞。楚名僇雞。並高三四尺。遼陽產角雞。廣東產矮雞。至老脚纔寸許。不過鴈大。南越長鳴雞。晝夜長啼。南海有雞。潮至即鳴。雄能角勝。且

能辟邪其鳴也知時刻其棲也知陰晴又具五德首頂冠文也足博距武也見敵即鬪勇也遇食呼羣仁也守夜有時信也且有一種鬪雞似家雞而高大勇悍異常諸雞見之而逃其相以冠平瓜利者爲第一每鬪雞至死不休好事者畜之於深秋場賭博先將兩雞形狀審得大小相當方放入圍場聽其角力每以負而叫走者爲敗養法鬪後須用長鷺翎一根插入雞之殺出喉內惡血安養五七日再鬪則無損傷之患雖全勝者不可使之連朝狼鬪草雞雖雄多望風而靡巢邊切勿挨磨柳柴烟薰最能損目雞若有病當灌以清油若傳瘟速磨鐵釐

水染米與食即愈如水眼。以白礬傳之母雞多以麻子飼之。雞生子後永不耐抱而子多。漢武帝時有遠飛雞。朝去暮還。嘗以桂子而歸。又唐明皇好鬥雞。索長安雄雞。金翅鐵距高冠昂尾者千數。養於雞坊。選六軍小兒五百名教飼之。以晉昌爲五百小兒之長。明皇時臨觀鬥。甚愛幸焉。金帛之賜。日至其家。可爲好之過也。宋處宗畜一雞。嘗籠著牕間。養之甚馴。一日忽作人言。與處宗談論。極有立致。由是處宗學業日進。亦一異也。又雞母負雛而行。主人將雨。焚其羽。可以致風。

竹雞

竹雞蜀名雞頭鶻。一名山蘭子。俗呼泥滑。上南浙川廣處上有之。喜居民叢中。形比鷓鴣小。而無尾毛。羽褐色多斑。無文彩。而性好啼。其聲最响。頭扁似蛇。喙尖眼突。首啼可百聲。見其儔類必鬪。捕者每以媒誘其鬪。因而以網獲之。能去壁虱白蟻之害。古諺云。家有竹雞啼。白蟻化爲泥。人故多畜之。非無益也。性不喜水。籠底多貯以砂。彼則夜臥其中。以當浴。飼以小米。或少雜野蘇子於內。可經久無病。如出血管二毛。便不活矣。養熟雖不開籠。彼至晚自能歸籠宿也。好食蟻。

吐綬鳥

吐綬鳥一名鷓鴣出巴峽及閬廣山中人多畜之以爲玩好其形大如家雞小若鵪鶉頭頸似雉羽色多黑雜有黃白圓點如重珠斑頂有曉囊俗謂之錦囊內藏肉綬常時不見鳴則囊見每遇春夏間天氣晴明則此鳥向日擺之頂上先出兩翠角約二寸許乃徐舒其額下之綬長濶近尺紅碧相間彩色煥然踰時悉斂而不見矣昔有好事者剖而視之究竟一無所觀益其德處生則能反哺行則避草木亦異鳥也養之可禳火災。

鷓鴣

鷓鴣一名匹鳥一名文禽雄曰鷓鴣雌曰鷓鴣產於南方溪澗之

中其狀如鷺羽毛杏黃色甚有文彩。紅頭翠鬣黑翅黑尾白頭
經掌首有白長毛垂之至尾日則相偶浮遊水上雄左雌右竝
翅而飛夜則同棲交頸而卧雄翼右掩左雌翼左掩右其交不
再失偶不配故人多比之爲夫婦若養雛於土穴中能使狐鯉
衛之昔霍光園中有大蓮池畜鷺鷥三十六對於其中望之燦
燦有若披錦

鷺鷥附鷺鷥

鷺鷥鷺鷥皆水鳥也。出南方池澤間。形俱類鳴鷺鷥喜食短狐。
做短狐處尤多。其所處多在於荷。水有此鳥則無復毒氣。毛羽

黃赤而有五采。首有纓。尾有毛。如船舵形。若鷓鴣似鷺而綠羽。長喙頂有紅毛如冠。翠鬚碧斑。丹嘴青脰。高脚似鷄。長目好啄。多居葦菰中。亦能巢於高樹。每以晴交。故號鷓鴣。生子穴中。初出不能飛。啣其母翼而下。以就飲食。土人養之。畧熟則馴。擾不去。亦可厭火災。

鴿

鴿一名鵪鴿。隨在有畜之者。鳩之屬也。亦有野鴿。其毛色名號不同。大槩毛羽不過青白皂綠灰斑而已。試鴿之好醜。在持於十餘里之外。放之能認舊巢而回者。方稱珍異。至於相鴿之法。

全其看眼色。其眼有大小黃綠硃砂數種。睛特而砂粗者爲最。鴿者合也。因其喜合。故鳩亦與之爲匹。凡鳥皆雄乘雌。鴿獨雌乘雄。性最淫。每月必生二子。年中畧無間斷。哺子朝從上而下。暮從下而上。任其飛走。不必牢籠。但置一厨。逐倉逐一格開。每格畜二鴿。聽其飲啄。惟防貓咬。每日飼以浮麥。獨夏月須串以菜豆。欲其眼有砂。從雛時以人之舌常舔其眼。亦能生砂。宋末官中好養鴿。一書生題詩曰。萬鴿盤旋遶帝都。暮收朝放費工夫。何如養取南來鴈。沙漠能傳二聖書。又張九齡以鴿傳書。名曰飛奴。

鵪鶉

鵪鶉一名羅鵪。一名早秋。田澤小鳥也。頭小。尾秃。羽多蒼黑色。無斑者爲鵪。有斑者爲鶉。雄足高。雌足卑。又有丹鶉。白鶉。錦鶉之異。每處於畎畝之間。或蘆葦之內。夜則羣飛。晝則草伏。有宿匹而無常居。隨地而安。故俗又名鵪鶉。山東最多人。可以聲呼而取之。凡鳥性畏人。惟鶉性喜近人。諸禽闕則尾竦。獨鶉竦其足而舒其翼。人多畜之。使闕有雞之雄。頗足戲玩。養法每日飼以小米。欲其角勝。常持於手。時拉其兩足使直。置一小布袋口如荷包而底平有線。可以收放者。納於其中。出入吊於身旁。絃

無跳躍悶壞之病。養熟雖任其行走。亦不飛去。但怕冷。嚴寒如不善料理。則易凍死。交州記云。南海有黃魚。九月變爲鵝。一云蝦蟇得瓜。化爲鵝。此理未可全信。究以卵生爲是。

百舌

百舌一名鶻。一名題鵠。又名反舌。隨在有之。居樹孔及窟穴中。狀如鳩鵲。而小身稍長。羽色灰黑。微有幾斑點。喙亦黑而尖。行則頭俯。好食蚯蚓。立春後則鳴之不已。其聲多十二轉。且能作諸鳥之音。最悅人耳。此際衆芳生。夏至後則寂然無聲。而衆芳歇。至十月後。亦如龜蛇。皆藏蟄不見。人或取而畜之。過冬多死。

必須善養者以護持之

燕

燕一名玄鳥又名游波鷦鷯。有二種。越燕身輕小。胸紫而多聲。胡燕斑黑。臆白而聲大。狀似雀而稍長。籀音口豐。頰布翅岐。尾飛鳴一上一下。管巢避戊巳日。春社來。秋社去。來多尋舊巢。補闕如無舊巢。方啣泥再壘。紫燕喜巢於門楣上。胡燕喜巢於兩椽間。所啣之泥。必四堆橫一草。其門向上。去必往北。交冬伏氣。蟄於窟穴之中。或枯井內。亦有啣小銀魚作巢而蟄。故有燕窠菜。若有窠戶北向。其尾屈白色者。是數百歲燕也。仙家名爲

肉芝食之可以延年。人見白燕。主生貴女。若胡燕作窠。長大過
於尋常。主人家富足。燕喜來窠者。以桐木刻雌雄二燕形。投井
壁之即至。如惡其來。當軒中懸一艾人。或硃書鳳凰在化五
一桂中棟。餘挂前後四架。樑則燕自去。諸鳥皆煩。飼食獨燕不
費一粒。而呢喃之聲。時語梁間。飛旋之態。每來庭院。亦韻事也。
但狐貉之服。不可近燕。集處其毛見燕。即脫。昔有姚氏女。欲驗
燕來尋舊巢之說。因將絛縷繫於燕足。明歲復來。因視其足。絛
猶如故。

畫眉

畫眉南方最多狀類山雀而大毛色蒼黃兩頰有白毛如眉雄者善鳴喜鬪其聲悠揚婉轉甚可人聽雌則不鳴不鬪無所取也人多畜雄者於廊簷之下時以高籠上內繫二水食罐中用南天竹幹一條作梁冬月使之棲止則是不冷日以雞子黃拌米再和些少細沙與之食使不時肯吐如天氣漸炎嘗將籠浸於水盆內令其自浴則毛羽更鮮不死至深秋各戶之鳥聚集開場相鬪以決勝負亦一壯觀相畫眉古亦有訣云身似葫蘆尾似琴頸如削竹嘴如劍再添一對牛筋脚一籠打盡九籠贏

黃頭

黃頭小鳥之蟄者似麻雀而羽色更黃潤嘴小而尖利爪剛而力強人多以籠畜之。大槩取毛際眼紫者爲良。闔則兩翼相搯。喙啄脚扯自有許多相角之態。頗足動人賞鑑。每日以雞子黃拌米粉飼之。則力猛。切忌糯米作粉。交夏須覓竹包內小白蟲與之食。更易長。但此鳥較之畫眉更易得而難養。片時失與飲食即便餓死。

巧婦鳥

巧婦鳥一名鷦鷯。一名桃蟲。或謂之巧匠。隨在有之。小於黃雀。有林藪間爲巢。其巢如小袋。取茅草毛毳爲之。再繫以麻。或人

亂髮至爲精密或一房二房其形色青灰有斑長尾利喙聲如吹噓好食葦蠹兒童每畜而使之性馴教以作戲以取樂陸機謂鷦鷯微小于黃雀其雛能化爲鵬不知何據

護花鳥

護花鳥出太華山中每遇奇花一發人若攀折則此鳥飛來盤旋其上哀鳴曰莫損花莫損花此花之知己也特附記之於末以見花鳥之靈其形似燕而小

養獸畜法

獸之種類甚多但野性放心皆非可馴之物無足供園

林玩好虎豹犀象惟畜馴而遠之茲所取者皆人參養之獸錄其二三以點綴焉非詳於禽而畧於獸也至若牛馬自有全經亦非齒齒芳經之所宜故不贅

鹿

鹿一名斑龍陽獸也隨在山一有之狀如小駒尾似山羊頭側而長脚高而行速狀者身大石角無齒夏三歲陰氣則角解黃質白斑爾雅名麋北者身小無角無斑黃白雜毛而有齒俗稱鹿鹿孕六月而生子其性最淫一牡常交數牝連母鹿皆群數謂之聚麀能別良莠又喜食龜并紙食則相呼行則同旅居則

環角向外以防害臥則口朝尾隨以通督脉五百歲變白千歲
爲玄自能樂性誠仙品也官署之園多畜之夏月常飼以菖蒲
卽肥最大者曰麀群鹿每隨之視其尾爲準則凡在二至時角
當解其茸甚痛若逢獵人則伏而不動遂以繩繫其茸截之甚
易其尾能辟塵拂塵則不蠹置菑帛中歲久紅色不黯昔林和
靖孤山所養之鹿名曰呦呦每呼呦呦卽至其前有詩云深林
杳杳分行響淺葑茸上疊浪痕春雪滿山人起晚數聲低斗喚
籬門又玄都觀道士養鹿候門客王頗能鳴而迎之病用鹽拌
料豆喂之

兔

兔一名明視。

謂目不瞬而能瞭然。

隨在山林有之。其狀如狸而毛褐。首形

如鼠而尾短耳大而銳上唇缺而無腭。鬚長而前足短。尻有九

孔。趺居而顧首不顧尾。趨捷善走。舐雄毫而孕五月而吐子。營

穴必背立相通。若以馬羈有潤汗者塞口則須臾自出。可以伺

而取之。其性最陰狡。善營三窟。然又易馴。故人多畜以爲玩好。

又云牝牡合十八日而即育。極易繁衍。又昆吾山出狡兔。雄色

黃雌色白。能食金石銅鐵。昔有吳王武庫兵器皆盡。因穴得二

兔。一黃一白。腹中腎膽皆鐵。取以鑄劍。切玉如泥。或云兔壽可

千歲至五百歲。則色自白。近日常州出一種白兔。乃銀鼠也。非數百年之物。又聞亳州吉祥寺有僧誦華嚴經。忽一紫兔自來。馴伏不去。每日隨僧坐起。如聽經狀。惟餐菊花。日飲清泉而已。其僧每呼以菊道人。則兔應聲而至。亦異類之有覺者也。

猴

猴一名猢猻。一名馬。善拭面如沐。又謂之沐猴。面無毛似人。眼如愁胡。頰陷有嗽。可以藏食。腹無脾。以行消食。尻無毛而尾亦短。手足與兩耳亦皆類乎人。可以豎行。聲咯咯若款。孕五月而生子。喜浴於澗中。其性躁動害物。畜之者使索縛其脛。坐於

杖上鞭撻旬月自馴。養馬者多畜之廐中。任其跳躍。可辟馬病。丐者畜之。教以戲舞。舉動儼如僂人。好事者多般訓練。使之應門。或對客送茶。以此駭觀取樂。然雖養熟。不可縱其去來。恐攪持人物取氣。又一種小而毛紫黑者。出交趾。畜以捕鼠。勝於貓狸。頗有靈性。能知人意。飼以生米。果物。則不大。若飼之熟物。易大可厭。昔唐昭宗有一弄猴。能隨班起居。昭宗賜以緋衣。後朱溫篡位。此猴望見朱溫。忽跳躍奮掌。以致見殺。亦義獸也。如病喂以蘿亂。

犬

犬一名狗。齊人名地羊。其類有三。若守犬。短喙善吠。畜以司昏。食大體肥不吠。養以供饌。惟田犬。長喙細身。毛短脚高。尾卷無毛。使之登高履險。甚捷。胎三月而生。其性比他犬尤烈。豺見之而跪。兔見之而藏。每牽之出獵。以鷹爲眼目。鷹之所向。犬即趨而攬之。故好獵者多畜焉。又一種高四尺者。名獒。毛多者名龙。狀若獅子。脚矮身短。尾大毛長。色絨細如金絲。亦善吠。兼能捕鼠。至老不過猶大者。俗名金絲狗。最宜於書室。曲房之外。金鈴慢响。爾古驗云。狗喫青草。主天時大晴。大病磨烏藥與之飲。則愈。昔晉陸機仕洛。有犬名黃耳。能爲機寄書。七日而馳至其家。

家人見之大驚。犬又索機家回書。還洛。機甚愛焉。犬死。葬之。呼爲黃耳塚。

貓

貓一名蒙貴。又名家狸。捕鼠小獸也。以純黃純黑純白者爲上。人多美其名。曰青葱。曰叱撥。曰紫英。曰白鳳。曰錦帶。曰雲圖。如肚白背黑者。如烏雲蓋雪。身白尾黃。或尾黑者。名雪裡拖鎗。四足皆花。及尾有花。或狸色。或虎斑色者。謂之纏得過。相貓之法。必須身似狸。面似虎。柔毛利齒。口旁有剛鬚數莖。尾長腰短。目若金鈴。上齧多稜者爲良。俗云。貓口中有三坎者。捉鼠一季。五

坎者提鼠二季。七坎者提鼠三季。九坎者提鼠四季。其睛可以定時。子午卯酉如一線。寅申巳亥如滿月。辰戌丑未如棗核。鼠端常冷。惟夏至一日則暖。性獨畏寒而不畏暑。若耳薄者亦不畏寒。能以爪畫地下食。隨月旬上下。齧鼠首尾。其性皆與虎同。此陰類之相符也。其孕則兩月而生。一乳三四子。恒有生出。即自食之者。是因屬虎人視之故也。俗傳牝猫無牡交。但以竹箒掃背數次。則孕。或用斗覆猫於甕前。以刷帚頭擊斗。祝甕神而求之。亦有胎。相猫訣云。露爪能翻丸。腰長會走家。面長雞種。尾大懶如蛇。養之法。在初生時。日以硫黃少許。納於猪腸內。或

拌飯與之食。則遇冬不畏冷。偷臥竈內。如貓有病。以烏藥磨末灌之。即愈。若人偶踏傷。以蘇木煎湯療之。貓食薄荷則醉。以死。貓埋近竹地。則竹自引之而來。亦氣類之相感也。昔有貓與犬同時而產。好事者暗使之易乳而飲。以此眩奇。凡貓喫青草。三天必大雨。

松鼠

松鼠一名鼯鼠。隨地有之。居上穴或樹孔中。形似鼠而有青蓋長毛。頭嘴似兔。而尾毛更長。善鳴。能如人立交。前兩足而舞。好食粟豆。善登木。亦能食鼠。人多取以爲玩弄之物。初時性劣。宜

以銅索繫之。養既久。可不用素。亦不去矣。喜投人懷袖中。恐其爪尖傷人肌膚。常於砂石上拖其爪。令不尖銳。則無傷也。
養鱗介法

江海汪洋。鱗介之屬無窮。總非芳塘碧沼之美觀。姑取一二。有色嘉魚。任其穿萍戲藻。善鳴蛙鼓。聽其朝吟暮噪。是水鄉中一段活潑之趣。園林所不可少者也。

金魚

魚之名色極廣。園池惟以金魚爲尚。青魚白魚次之。獨鯉魚。鯽魚。善能變化顏色。而金鯽更耐久可觀。前古無缸畜養。至宋始

有以缸畜之者。今多爲人養玩而魚亦自成一種直號曰金魚。矣。大抵池沼中所畜有色之魚多鯉鯽青魚之類。有名金魚人皆貴重之不襲置於池中。惟石城以賣魚爲業者多畜之池內。以廣其生息。但魚近土則色不紅鮮。必須缸畜。缸宜底尖口大者爲良。凡新缸未畜水時。擦以生芋。則注水後便生苔而水活。夏秋暑熱時須隔日一換水。則魚不蒸死而易大。俟季春跌子時。取大雄蝦數隻。益之。則所生之魚皆三五尾。但蝦掛須去其半。則魚不傷。視雄魚沿缸趕咬。即雌魚生子之候也。跌子草上取草映日看。有子如粟米大。色亮如水晶者。卽將此草另放於

淺瓦盆內止容三五指水。置微有樹陰處。晒之。不見日。不生。若遇烈日。亦不生。二三日後。俛出。不可與大魚同處。恐爲所食。子出後。即用熟雞鴨子黃。捻細。飼之。旬日後。隨取河渠穢水內。所生小紅蟲。飼之。但紅蟲必須清水洗過。不可着多。至百餘日後。黑者漸變花白。次漸純白。若初變淡黃。次漸純紅。次其中花色任其所變。魚以三尾五尾。脊無鱗。而有金管銀管者。爲貴。名色有金盛金鞍。錦被。及印紅頭。裏頭紅。連鰓紅。首尾紅。鶴頂紅。六鱗紅。玉帶圍點。綠唇若八卦。若懷子點者。又難得。其眼有黑眼。雪眼。珠眼。紫眼。瑪瑙眼。琥珀眼之異。身背有四紅。至十二紅。十

二白及畦金砌玉落花流水。隔斷紅壁蓮華八瓣種。上之不一。總隨人意命名者也。養熟見人不避。拍指可呼。儻然萬目。至若養法。如魚翻白。及水泛沫。亟換新水。恐傷魚將也。焦葉根搗爛投水中。可治魚疰。如魚腹而生白點。名爲魚風。急投以楓樹皮。或白楊皮。即愈。或以新磚入糞桶內。浸一宿。取出。令乾。投缸中。亦可治風。如水中漚麻。或食鴿糞。魚必洩死。則以糞圈解之。誤食楊花。則魚病亦以糞解之。吳越市販多金鯉。金鯽。大有一二尺者。畜之池中。任其遊泳。清波盡堪賞玩。又五色文魚。生江西信豐縣城內。奉真觀石鳳凰井中。浙江西湖之王泉。吳山之北。

大井中及昌化山之龍潭有身長三四尺。五彩斑文。金鱗耀目者。土人遇旱禱雨多應。

鬪魚

鬪魚一名文魚。出自閩中三山溪內。其大如指。長二三寸許。花身紅尾。又名丁斑魚。性極善鬪。好事者以釘畜之。每取爲角勝之戲。此博雅者所未之見也。昔費無學有鬪魚賦。叙云。仲夏口長育之盆。沼作九州。朱公製亭午風清。開關會戰。頗覺快心。又先朝有人鑄鬪魚數十頭。以贈中貴。中貴大悅。爲之延譽於朝。遂得顯擢者。皆鬪魚之力也。

綠毛龜

龜乃介中靈物也。故士朋大龜。聖人所取。金錢小龜。博覽所尚。是編原屬耳目玩好之書。非適口充腸之集。故介類雖多。而惟取於龜。龜之中。又獨詳夫綠毛者。總因其可供盆玩也。

龜蛇頭龍頸。外骨內肉。腸屬於首。卵生無雄。相顧而神交。或與蛇交而孕。龜蛇伏氣背皆向東。雖有鼻而息以耳。秋冬穴蟄。故多壽。愈老則愈小。至八百年反大如錢。千年生毛。是不可得之物也。惟綠毛龜出自南陽內鄉及唐縣。今以蘄州者用克方物。

土人取自溪澗中。售之四方。多畜水盆。以爲清玩。每以蝦蟆。蛇。蚰。飼之。交冬除水。即藏之匣中。自能伏氣。不死。來春清明後。放水盆中。其背上綠毛。依然如舊。若真綠毛龜。背毛竟有長至一二寸者。中有金線脊骨三稜。底用如象牙之色。小似五銖錢者。爲貴。平常龜。久養木中。亦能生毛。但易大而無金線。底板黃黑之不同爾。綠毛者。且能辟蛇虺之毒。非無益於園林者也。

蟾蜍 附蛙

蟾蜍。一名詹諸。一名蚺蜍。卽蝦蟆之屬也。生江湖池澤間。今處處有之。又喜居人家下濕之地。其形大頭銳。促眉濁聲。背有非

長行極遲緩不解長鳴者爲蟾蜍抱朴子云蟾蜍千歲則頭上有角額下有丹書八字三足者難得形小口渴皮多黑斑能跳接百蟲舉動極急者爲蝦蟆又一種名蛙生水巾似蝦蟆而背青綠尖嘴細腹亦有背作黃路者謂之金線龜性好坐而以腹鳴生子最多一龜鳴百龜皆鳴其聲甚狀名龜鼓至秋則無聲矣三月上巳農夫聽蛙聲上晝叫上鄉熟下晝叫下鄉熟終日叫上下齊熟故章孝標詩云田家無五行水星卜蛙聲

養昆蟲法

昆蟲至微之物何煩筆墨然如花開葉底若非蝶舞蜂

忙終鮮生趣。至於反舌無聲。秋風蕭瑟之際。若無蟬噪。
夕陽。羣吟。曉夜園林寂寞。秋興何來。姑存數種於卷末。
良有以也。

蜜蜂

蜂有三種。蜜蜂。土蜂。木蜂。土蜂作房。地穴中。形大而黑。木蜂作
房。樹上。身長腰細而黃。皆聚野蜂。無所取用。惟蜜蜂身短而脚
長。尾有蜂螫。衆蜂內有一蜂王。形獨大。且不螫人。每日羣蜂兩
朝。名曰蜂衙。頗有君臣之義。無王則衆蜂皆死。若有二王。其一
必分分出時。老蜂王反遜位而出。衆蜂均挈其半。畧無多寡。從

至出者不復回舊房。出則羣擁護其三。不令人見。當採花時。一半守房。一半挨次出採。如掠花少者。受罰。但採各花。鬚俱用雙足挾二花球。惟採蘭花則必背負一珠。以此頂獻於王。又有蜂將不善往外採花。但能釀蜜。至七八月間。蜂將盡死。若不死。則蜜皆被蜂將食去。衆蜂必飢。故俗諺云。將蜂活過冬。蜂族必皆空。亦一異也。養蜂之家。一年割蜜二次。冬三月天氣閉藏。百花已盡。量留蜜少許。以爲蜂之糧。春三月百卉齊芳。則不必多留矣。若養久蜂。繁必有王分出。每見羣蜂飛擁而去。速隨以行。非歇於高屋簷牙。便停於喬木茂林。收取之法。或用木桶與木匣。

兩頭板蓋泥封下留二三小坎使通出入另置一小門以便
視如蜂窠初分無房卽以一開口水桶繫照蜂旁如蜂不進桶用
碎砂土撒自上收或用阿張紙焚烟薰之卽入桶收歸再按桶
在下同放養蜂處其房宜在廊下並忌火日小滿前後割蜜則
蜂盛割法先將照藏蜂樣桶二箇輕擡起蜂桶將空桶接上安
置端正仍令蜂做蜜牌子於空桶內少停數日乘夜蜂不動時
用力割取上桶或直細繩拗斷仍封蓋其上桶然後將蜜桶
用新布一塊濾絞爭其蜜有白有黃白者鮮而貴以磁器貯之
再將蜜渣入鍋內慢火熬煎候其融佰復絞出渣用錫罐或瓦

盆先將冷水次傾蠟在內。澆以蠟。蓋爲度。人家多有畜至一二
十房者。北方地燥。且無簪養者。蜂多結房於土穴中。故皆土室。
人近其房。則羣必起而螫之。又不善取。故蜜少。然其功用甚大。
老人服此。得以長年。調和藥石。非此不可。浸製果蔬。其用亦廣。
又西方有黑蜂。其大如壺。器亦一異也。

蛱蝶

蛱蝶一名蝴蝶。多從蠶蠅所化。形類蛾而翅大身長。四翅輕薄。
而有粉。鬚長而美。夾翅而飛。其色有白黑黃。又有翠紺者。赤黃
者。五色相間者。最喜臭花之香。以鬚代鼻。其交亦以鼻交。後則

粉翅不足觀矣。然其出沒於閨林，翩跹於庭畔，暖烟則沉蕙，微雨則宿花房。兩兩三三，不招而自至，遽已極已，不撲而自。誠微物之得趨者也。昔唐穆宗禁中，牡丹盛開，有黃白蛺蝶，數飛集花間，綢之，蓋得數百，乃金也。又南海有蛺蝶，大如蒲，稱肉得八十斤，噉之極肥美。

蟋蟀

蟋蟀一名莎雞，俗名趨織。一作促又名蟀。即感秋氣而生，形似蝗而小，正黑有光澤，如漆有角翅二長，鬚其性猛，其音商，善鳴健。閩色有青黑黃紫數種，總以青黑者為上。其相以頭頂肥，脚腿

長身背闊者善角勝。凡生於草上者身軟。生於磚石者體剛。生於淺草瘠土者性利。生於亂石深坑向陽之地者性劣。每於七月間。閭巷小兒及游手好閒之輩。多荒廢本業。提竹筒過籠。銅絲罩鐵匙等器具。詣藂草處。或頭垣破壁間。或磚瓦土不堆或古塚溷廁之所。側耳徐行。一聞其聲。輕身疾趨。聲之所至。穴斯得矣。或用以鐵挖。或捺以尖草。不出。再以筒木灌之。則自躍出矣。視其躍處。而以罩亡之。如身小頭尖。色白脚細者。棄去若紅麻頭白麻頭青項金翅金絲額銀絲額。是皆最妙者。次則黃麻頭。再次則紫金黑色者。盡皆收歸。每一蟲。不論瓦盆泥鉢。即時

養起侯有貴公子。富家郎。并開場賭鬪者。不論蟲之高低。每十
每百輸錢買去。遂細定其名號曰。油利桂。螳螂殼青。金琵琶。紅沙。
青沙。紺色。棗核形。土蜂形者。爲一等。長翼飛鈴。梅花翅。土狗形。
螳螂形者。爲一等。牙青。紅鈴。紫金翅。拖肚黃狗。蠟黃。錦簪衣。金
束帶。紅頭紫者。爲一等。烏頭金翅。油紙燈。三股錦。月額頭。香獅
子。蝴蝶形者。爲一等。勿曰比鬪。其中有百戰百勝者。是爲大將
軍。務養其銳。以養稱人。廣衆之中。登場角勝。每至白露開場者。
大書報條於市。某處秋興可觀。此際不論貴賤。老幼咸集。初至
閩所。凡有持促織而往者。各納之於比籠。相其身等色等。方金。

而納平官。聞處兩家親認定已之促織。然後納銀作采。多寡暗
便更有旁賭者。於臺下亦各出采。若促織勝。主勝。促織負。主負。
勝者鼓翅長鳴以報其主。即將小紅旗一面。插於比籠上。負者
輸銀。其聞也。亦有數般。巧處或聞口。或聞間。聞口者勇也。聞
者智也。聞間者俄而聞口。敵弱也。聞口者俄而聞間。敵強也。昔
人促織有忌四。一曰仰頭。二曰捲鬚。三曰練牙。四曰踢腿。皆不
可用。若過寒露後。則無所用之矣。養法在先置瓦盆百餘。近日
成促每盆各致其一。內填泥少許於底。用極小蚌殼一枚盛水。
日以鰻魚。鯪魚。姜肉。蘆根蟲。斷節蟲。扁擔蟲飼之。如無蟲以熟

不食
栗子。黃米飯爲常食。如促病積食。以水拌紅蟲飼之。冷病噤牙
以帶血蚊蟲飼之。熱病以菜豆芽尖葉或棒槌蟲飼之。開後糞
結以粉青小青蝦飼之。齒傷以自然銅浸水點之。牙傷以茶姜
點之。咬傷者以童便調蚯蚓糞點之。氣弱者飼以竹蝶。身痕者
飼以蜜蜂。如此調養促織之能事畢矣。

鳴蟬

鳴蟬一名寒蟬。夏曰蟬。秋曰蜩。又楚謂之蜩。宋衛謂之蜩。陳
鄭謂之蜩。蜩又名腹青。蜩者謂之正不善鳴。乃朽木及螻蛄腹
蟬所化。多折裂母背而生。無口而以脇鳴。聲甚清亮而聞遠。鳴

則大寒頭方有綏兩翼六足能含氣不食應侯中常多息於此
柳桑枝之上死惟存一殼名曰蠅脫生有五德饑及晨風廉熱
渴飲朝露潔也應時長鳴信也不爲雀啄智也首垂玄綏禮也
取者以膠竿首承焉則驚飛可得小兒多稱馬蜚取爲戲以小
籠盛之挂於風簾或樹杪使之朗吟高噪庶不寂寞園林也。

金鐘兒

金鐘兒似促織身黑而長銳前豐後其尾皆峻以躍爲飛以翼
鼓鳴其聲則磴校上如小鐘然更間以紡績蟲之聲秋夜聞之
猶如鼓吹此蟲暗則鳴曉即止瓶以琉璃飼以青蒿亦點綴秋

園之一助也。不因其微而棄之。

紡績娘

紡績娘。北人呼爲貼貼兒。似蚱猛而身肥。首似促織而條長。其清越過之。有好事者。捕養焉。以小楷籠盛之。挂於簷下。風清露冷之際。淒聲徹夜。酸楚異常。夢中枕上。俗耳爲之一清。覺蛙鼓鸞題。皆不及也。故韻士獨取秋聲。良有以也。每日以絲瓜花或瓜穰飼之。可久。若縱之林木之上。任其去來。遠聆其音。更爲雅事。

一名景夫。一名增燈。又曰夜光。多腐草所化。初生如蠅似蚊。而脚短。翼厚。腹下有亮光。日暗夜明。倏飛大半。猶若小星生池。塘邊者曰水螢。喜食蚊蟲。好事者每捉一二。置之小紗囊內。夜可代火。照繡讀書。曰宵燭。小兒冬以此爲戲。閨中若有腐草。自能生之。不煩主人之力也。昔中武子家貧。夜讀書。無燈。以練囊盛螢。照讀。一種水螢。多居水中。故唐李卿有水螢賦。又隋煬帝夜遊。以螢火數斛。光明似月。亦好嬉之過也。